

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik

Broj: 02/12-45-27166/22  
Sarajevo, 05.05.2023. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14 i 59/22), člana 26. Pravilnika o javnim nabavkama roba, vršenju usluga i ustupanju radova, br. 02/12-45-712/23 od 12.01.2023. godine, u predmetu javne nabavke "Nabavka usluge održavanja motornih vozila" u Otvorenom postupku javne nabavke, objavljenom u Službenom glasniku BiH, br. 1/23 i 5/23 i Portalu javne nabavke, br. 422-1-2-277-3-254/22 od 29.12.2022. godine i br. 422-1-2-277-8-7/23 od 17.01.2023. godine, u izvršenju Rješenja Ureda za razmatranje žalbi Mostar, br. JN2-03-07-1-735-8/23 od 20.04.2023. godinc, na preporuku Komisije za javne nabavke roba i usluga, Općinski načelnik, donosi

### **ODLUKU**

1. Prihvata se ponuda ponuđača KARE d.o.o. Sarajevo, sa ponudom u iznosu od 30.000,00 KM bez PDV – a, odnosno 35.100,00 KM sa PDV – om, u predmetu javne nabavke "Nabavka usluge održavanja motornih vozila" Otvoreni postupak javne nabavke, objavljen u Službenom glasniku BiH, br. 1/23 i 5/23 i Portalu javne nabavke br. 422-1-2-277-3-254/22 od 29.12.2022. godine i br. 422-1-2-277-8-7/23 od 17.01.2023. godine, shodno članu 64. stav 1. tačka b. Zakona o javnim nabavkama.

2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o dodjeli ugovora.

3. Zadužuje se izabrani ponuđač da dostavi ovjerene kopije uvjerenja iz člana 45. – 47. Zakona o javnim nabavkama i ovjerenu kopiju Izvještaja o računima poslovnog subjekta Centralne banke BiH u roku od 5 dana po prijemu ove Odluke.

4. Protiv ove Odluke dozvoljena je žalba u roku od 10 dana od dana prijema iste.

### **Obrazloženje**

Postupak javne nabavke – "Nabavka usluge održavanja motornih vozila", pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, u Otvorenom postupku javne nabavke, objavljenom u Službenom glasniku BiH, br. 1/23 i 5/23 i Portalu javne nabavke, br. 422-1-2-277-3-254/22 od 29.12.2022. godine i br. 422-1-2-277-8-7/23 od 17.01.2023. godine.

Izvještajem i preporukom Komisije za javne nabavke, utvrđeno je sljedeće:

- Da je Zapisnikom sa otvaranja ponuda od 26.01.2023. godine, konstatovano da su dostavljene tri ponude:

1. TURBO MEHANIKA d.o.o. Sarajevo, sa ponudom od 82.211,22 KM sa PDV-om,
2. UNITRADE d.o.o. Ljubuški, sa ponudom u iznosu od 81.637,31 KM sa PDV -om,
3. KARE d.o.o. Sarajevo, sa ponudom u iznosu od 88.628,21 KM sa PDV -om.

- Da je Komisija detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da dostavljena ponuda TURBO MEHANIKA d.o.o. Sarajevo ispunjava uslove specificirane u tenderskoj dokumentaciji, dok ponude ponuđača UNITRADE d.o.o. Ljubuški i KARE d.o.o. Sarajevo ne ispunjavaju uslove.

- Da ponuda ponuđača UNITRADE d.o.o. Ljubuški ne ispunjava uslove specificirane tenderskom dokumentacijom pod tačkom 4.2.1. pod 3) Obrazac za cijenu ponude (Aneks 3). Naime ponuđač prilikom pripreme ponude nije koristio izmjenjeni obrazac tenderske dokumentacije objavljen u Službenom glasniku BiH, br. 5/23 i Portalu javne nabavke, br. 422-1-2-277-8-7/23 od 17.01.2023. godine, koji je po Izvještaju o prezimanju tenderske dokumentacije sa portala javnih nabavki, preuzet od strane navedenog ponuđača 18.01.2023. godine pa je tako na strani 13. ponude popunjen prvobitni obrazac Aneksa 3 tenderske dokumentacije koji je bio predmetom izmjena.

Kako je tačkom 4.1.1. tenderske dokumentacije propisano da su ponuđači obavezni da pripreme ponude u skladu sa tenderskom dokumentacijom, te da će ponude koje nisu u skladu sa istom biti odbacene kao neprihvatljive, shodno članu 68. Zakona o javnim nabavkama, to se ponuda navedenog ponuđača odbacuje kao neprihvatljiva.

Da ponuda ponuđača KARE d.o.o. Sarajevo ne ispunjava uslove specificirane tenderskom dokumentacijom pod tačkom 4.2.1. pod 9) „Dokaz da će ponuđač pružiti uslugu u servisu koji se nalazi na području Kantona Sarajevo (dokaz o vlasništvu, dokaz o zakupu ili o poslovno tehničkoj saradnji)“. Naime, dostavljeni Ugovor o poslovno tehničkoj saradnji zaključen dana 02.01.2022. godine sa Autodelta d.o.o. Sarajevo (str.36 Ponude) ne sadrži podatke o mjestu/lokaciji gdje će se pružati usluge servisa i u prilogu istog traženi dokaz da će se usluge servisa pružati na području Kantona Sarajevo (dokaz o vlasništvu ili ugovor o zakupu ili poslovno-tehničkoj saradnji).

Stoga je ponuda odbačena kao neprihvatljiva, shodno članu 68. Zakona o javnim nabavkama.

- Da je nakon analize formalno-pravne ispravnosti ponuda, Komisija je pristupila kontroli računske ispravnosti ponude ponuđača TURBO MEHANIK d.o.o. Sarajevo koja je prihvatljiva i ispunjava uslove specificirane tenderskom dokumentacijom. Vršeci računsku kontrolu navedene ponude Komisija je konstatovala računske greške, te zatražila saglasnost ponuđača na izvršenu ispravku računskih grešaka. Ponuđač je svojim aktom od 28.02.2023. godine, dostavio saglasnost na ispravku računske greške, tako da ponuda ponuđača TURBO MEHANIK d.o.o. Sarajevo nakon ispravke računske greške iznosi 69.915,18 KM bez PDV-a, odnosno 81.800,76 KM sa PDV-om.

- Da je nakon evaluacije ponuda Izvještajem Komisije za javne nabavke roba i usluga data Preporuka za dodjelu ugovora TURBO MRHANIK d.o.o. Sarajevo, dana 02.03.2023. godine,

- Da je po Preporuci Komisije donešena Odluka o izboru najpovoljnijeg ponuđača TURBO MRHANIK d.o.o. Sarajevo sa ponudom u iznosu od 81.800,76 KM sa PDV-om, br. 02/12-45-27166/22 od 02.03.2023. godine,

- Da je protiv navedene Odluke o izboru najpovoljnijeg ponuđača, ponuđač KARE d.o.o. Sarajevo izjavio žalbu koja je Rješenjem Ureda za razmatranje žalbi Mostar, br. JN2-03-07-1-735-8/23 od 20.04.2023. godine, uvažena, ožalbena Odluka poništena i predmet vraćen ugovornom organu na ponovni postupak,

- Da je Komisija, ponovnom evaluacijom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da dostavljene ponude ponuđača TURBO MEHANIK d.o.o. Sarajevo i KARE d.o.o. Sarajevo ispunjavaju uslove specificirane u tenderskoj dokumentaciji,

- Da ponuda ponuđača UNITRADE d.o.o. Ljubuški ne ispunjava uslove specificirane tenderskom dokumentacijom pod tačkom 4.2.1. pod 3) Obrazac za cijenu ponude (Aneks 3). Naime ponuđač prilikom pripreme ponude nije koristio izmjenjeni obrazac tenderske dokumentacije objavljen u Službenom glasniku BiH, br. 5/23 i Portalu javne nabavke, br. 422-1-2-277-8-7/23 od 17.01.2023. godine, koji je po Izvještaju o preuzimanju tenderske dokumentacije sa portala javnih nabavki, preuzet od strane navedenog ponuđača 18.01.2023. godine pa je tako na strani 13. ponude popunjen prvobitni obrazac Aneksa 3 tenderske dokumentacije koji je bio predmetom izmjena.

Kako je tačkom 4.1.1. tenderske dokumentacije propisano da su ponuđači obavezni da pripreme ponude u skladu sa tenderskom dokumentacijom, te da će ponude koje nisu u skladu sa istom biti odbačene kao neprihvatljive, shodno članu 68. Zakona o javnim nabavkama, to se ponuda navedenog ponuđača odbacuje kao neprihvatljiva,

- Da je Komisija, shodno Odluci o pokretanju postupka javne nabavke kojom je predviđeno provođenje e – aukcije, na osnovu Pravilniku o uslovima i načinu korištenja e-aukcije („Službeni glasnik BiH“, br. 66/16), utvrdila rang listu ponuđača koji su dokazali kvalifikacije za učešće u ovom postupku, kako slijedi:

1. TURBO MEHANIK d.o.o. Sarajevo, sa ponudom od 69.915,18 KM bez PDV- a,
2. KARE d.o.o. Sarajevo, sa ponudom u iznosu od 75.750,60 KM bez PDV - a.

- Da je nakon provedene e-aukcije, dana 03.05.2023. godine sa Portala javnih nabavki Agencije za javne nabavke BiH preuzet izvještaj o provedenoj e- aukciji sa konačnom rang listom ponuđača koji su učestvovali e – aukciji, kako slijedi:

1. KARE d.o.o. Sarajevo, sa ponudom u iznosu od 30.000,00 KM bez PDV - a,
2. TURBO MEHANIK d.o.o. Sarajevo, sa ponudom od 33.333,00 KM bez PDV- a.

Obzirom da se radi o Otvorenom postupku javne nabavke, "Nabavka usluge održavanja motornih vozila" Otvoreni postupak javne nabavke, objavljen u Službenom glasniku BiH, br. 1/23 i 5/23 i Portalu javne nabavke br. 422-1-2-277-3-254/22 od 29.12.2022. godine i br. 422-1-2-277-8-7/23 od 17.01.2023. godine, da su dostavljene tri ponude od kojih dvije ispunjavaju uslove specificirane tenderskom dokumentacijom, te kako je Odlukom o pokretanju postupka javne nabavke predviđeno provođenje e – aukcije, to Komisija za javne nabavke roba i usluga je dostavila početnu rang listu ponuđača Agenciji za javne nabavke BiH na provođenje e- aukcije, te je nakon provođenja iste, na preporuku Komisije za javne nabavke roba i usluga, shodno članu 64. stav 1. tačka b. Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

**DOSTAVITI:**

1. Služba za zajedničke poslove
2. U spis

